

Kev Nkag Rau Technology Txhua Qhov Chaw Phau Ntawv Qhia Cuab Yeej Tub Ntxhais Kawm



Cov Yam Lus	2
Lus Coj Qhia	2
Vim li cas thiaj li muab ib lub cuab yeej rau txhua tus tub ntxhais kawm?.....	2
Hom Cuab Yeej.....	2
Kev tau txais koj qhov Technology.....	2
Cov Kev Paub Theem Pib Ntawm Lub Technology	3
Kev saib xyuas koj lub iPad lossis Chromebook MPS.....	3
Kev Nqa Mus Los thiab Kev Khaws Cia.....	3
Kev nkag mus siv thiab tej Password.....	4
Kev Ntiag Tug, Kev Ruaj Ntseg thiab Kev Soj Ntsuam Ntawm Hauv Paus Tsev Kawm.....	4
Kev Npaj Siab Rau Kev Siv	5
Kev Siv Raws Feem Xyuam.....	5
Kev Siv Ntawm Tsev.....	6
Xeeb Ceem thiab Tej Dejnum Uas Lees Txais Tsis Tau.....	6
Cov Qib Xwm Txheej Txog Ntawm Kev Siv Technology Uas Muaj Kev Puas Tsuj lossis Tsis Tsim Nyog.....	7
Duab, Ntsiab Lus, Ntaub Ntawv.....	8
Suab, Nkauj, Games.....	9
Cov App/Khoom Txuas Ntxiv.....	10
Lwm Yam Peev Txheej	10
Cov Cai Tswj Ntawm Hauv Paus Tsev Kawm Txog Kev Tseem Ceeb.....	10
Kev Nkag Rau Internet.....	10
Kev Txhawb Nqa Fab Kev Kws.....	10
Cov Chaw Txuas Kev (Links).....	11
Kev Cog Lus Txog Kev Siv Technology	12

Nov yog tsab ua **NTAWV HMOOB** ntawm Phau Ntawv Qhia Cuab Yeej Tub Ntxhais Kawm. Xav saib tsab ua ntawv ntaus uas txhais ua lus Hmoob lawm, thov caw mus saib hauv [MPS Technology Student Handbook](#)¹ saum The Source.

Lus Coj Qhia

Lub phiajxwm Kev Nkag Rau Technology Txhua Qhov Chaw ntawm MPS yog muaj los txhawm rau muab ib lub cuab yeej raws qib kawm yam tsim nyog rau txhua tus tub ntxhais kawm, uas lawv tuaj yeem siv tau hauv tsev thiab tom tsev kawm ntawv tib si. Cov tub ntxhais kawm nyob rau yuav luag txhua cov qib kawm tuaj yeem nqa cov cuab yeej no mus rau tom tsev kawm thiab nqa tawm tom tsev kawm mus tsev txhua hnuv. Lub phiajxwm no tseem ceeb heev hauv kev ua kom ntseeg tau hais tias muaj kev nkag yam tsim nyog raws qib kawm mus rau technology rau txhua tus tub ntxhais kawm.



Vim li cas thiaj li muab ib lub cuab yeej rau txhua tus tub ntxhais kawm?

Technology tuaj yeem yog ib yam khoom siv uas muaj lub zog loj heev, tshwj xeeb yog thaum muab kev nkag cov cuab yeej sib npaug zos rau cov tub ntxhais kawm uas tsim nyog rau lawv cov qib kawm. Technology hloov pauv kev paub ntawm kev kawm, vim nws cia rau muaj kev qhia ntawv dhau mus ua kev ntiag tug kom ua tau raws li cov kev xav tau thiab kev haum siab ib leeg kheej ntawm cov tub ntxhais kawm, thiab kev muaj peev xwm los mus txhawb nqa thiab nthuav dav cov dejnum kev kawm hauv chav kawm.



Hom Cuab Yeej



Qib **PreK-2** tau txais cov iPad.



Qib **3-12** tau txais cov Chromebook.

Lus Nco Tseg: Qee leej tub ntxhais kawm uas tau txais cov kev pabcuam Kev Kawm Tshwj Xeeb kuj yuav xav tau iPad hloov Chromebook, lossis rov qab qees nyob ntawm lawv qhov IEP haum li cas. Tsev neeg yuav tsum tiv tauj rau lawv tus menyuum tus thawj saib xyuas case, lawv xav tau qee yam txawv ntawm yam uas lawv tau txais.



Kev tau txais koj qhov Technology

Cov tub ntxhais kawm lub tsev kawm yuav muab technology tseb rau lawv. Technology tub ntxhais kawm yuav tsum muab cob rau cov tub ntxhais kawm thiab cim tseg rau hauv kab kev saib xyuas khoom teej tug fab technology ntawm lub hauv paus tsev kawm.

Yog tias koj lub iPad lossis Chromebook yuav tsum tau teeb tsa (set-up), ces siv cov lus qhia pib siv uas tso ua ke nrog koj pob khoom technology. Cov no kuj tseem tuaj yeem nrhiav tau nyob rau saum [The Source](#).²

Cov Kev Paub Theem Pib Ntawm Lub Technology



Kev saib xyuas koj lub iPad lossis Chromebook MPS

Nws yog koj txoj haujlwm los mus saib xyuas kom zoo ntawm lub iPad lossis lub Chromebook uas koj lub tsev kawm tab tom muab qiv rau koj txhawm rau kev siv qhia ntawv. Ntawm no yog yam uas koj tuaj yeem ua txhawm rau saib xyuas lub cuab yeej ntawd thiab ceev koj lub technology kom nyab xeeb.

- Txhab huav taws xob rau koj lub cuab yeej txhua hmo.
- Ceev nws kom nyab xeeb thaum koj tab tom mus rau tom tsev kawm thiab thaum koj nyob hauv chav kawm.
- Ceev faj koj lub cuab yeej.
- Ua neeg muaj kev feem xuum thiab kev hwm thaum siv nws hauv tsev kawm thiab ntawm tsev.
- Tsis pub muaj khoom noj thiab khoom haus nyob ze koj lub technology.
- Ua twb zoo ntxig xov hluav taws xob rau lub technology.
- Koj tsis tuaj yeem kho tej npoo sab nrauv ntawm lub iPad/Chromebook. Qhov nov xam muaj tej ntawv lo cim, tej kev ntaus cim, lossis lwm yam kev ua raws tus kheej nyiam.
- Tej khoom hnyav yuav tsum tsis txhob muab tso rau saum lub technology.
- Nco ntsoov muab thiab nqa koj lub Chromebook uas siv daim phiaj ntaus ntawv (keyboard), tsis yog sib lub nab cos (Qhov nov yog qhov uas ua rau muaj kev puas tsuaj heev tshaj plaws).
- Nco ntsoov saib kom txhob muaj ib yam dab tsi nyob rau saum daim phiaj ntaus ntawv ua ntej yuav kaw daim npog lub Chromebook.
- Txhua lub cuab yeej muaj ib qhov chaw ntaus cim barcode MPS. Tsis txhob tshem, ua puas, lossis hloov qhov chaw ntaus cim nyob rau ib txoj kev twg li.



Kev Nqa Mus Los thiab Kev Khaws Cia

Huab Cua thiab Txhua Yam Puag Ncig

Tiv thaiv koj lub technology tawm ntawm huab cua. Zam kev muab koj lub iPad/Chromebook tso tiv nrog tej qhov chaw uas muaj kev kub txias dhau cai los ntawm kev ceev rau hauv nws lub hnab txhua lub sijhawm. Nqa nws hauv ib lub hnab ntim lossis hnab ntawv txhua sijhawm thaum tawm mus sab nrauv. Nco ntsoov rau nruab siab txog ntawm cov xov xwm hauv qab no:

- Txhob tso koj lub technology rau tej qhov chaw uas muaj qhov kub siab tshaj 95° F.
- Txhob tso koj lub technology rau tej qhov chaw uas muaj qhov txias qis tshaj 32° F.

- Ceev koj lub technology kom nyob deb ntawm dej thiab qhov noo heev-heev.

Kev Nqa Mus Los thiab Kev Khaws Cia Txhua Yam

1. Txhawm rau tiv thaiv tub sab, tsis txhob tso lub cuab yeej rau ib qhov chaw twg ntawm tsev kawm ntawv uas tsis muaj kev saib xyuas. Cov chaw uas tsis muaj kev saib xyuas xam muaj cov chav kawm uas tsis xauv, cov chav uas muaj chaw xauv tso khoom, cov chaw xyaum computer, chaw qiv ntawv/chaw tshaj xov, chav noj su, chav dej, cov kev mus los, lossis txhua qhov chaw ntawm tej tiaj nyom hauv tsev kawm ntawv, xam muaj tej tiaj ua kis las thiab tiaj ua si.
2. Txhob muab lub cuab yeej tso rau hauv npoo tsev lossis hauv av, txawm hais tias lub cuab yeej nyob hauv hnab lawm los xij. Nws tuaj yeem raug tsuj thiab raug ua kom puas tsuaj tau.
3. Cov tub ntxhais kawm nyob qib 6-12: yog tias koj tsis muaj haujlwm siv koj lub cuab yeej hauv ib chav kawm twg, lossis koj tus xibhwb tau hais kom koj tsis txhob nqa lub cuab yeej mus rau hauv chav kawm, ces khaws cia thiab xauv nws rau hauv koj qhov chaw xauv khoom. Tsis txhob tso lub cuab yeej cia yam tsis muaj neeg zov uas ntim rau hauv ib lub hnab twg. Txhua zaus uas koj lub cuab yeej nyob nrug deb ntawm koj thiab tsis yog nyob ntawm tsev lossis hauv ib qhov chaw xauv khoom ruaj ntseg twg, koj muaj kev pheej hmoo txog qhov nws yuav raug nyiag.



Kev nkag mus siv thiab tej Password

Cov iPad thiab Chromebook ntawm MPS muaj kev teeb tsa raws qauv thiab npaj txhij rau kev siv lawm. Cov tub ntxhais kawm yuav tsum muaj lawv qhov chaw nyob email uas MPS muab rau thiab tus password txhawm rau nkag mus rau lub technology thiab cov khoom siv kawm ntawv. Cov xibhwb tuaj yeem rov teeb tsa cov password rau cov tub ntxhais kawm uas tsis nco qab lawv tus password lawm.

Cov tub ntxhais kawm yuav tsum [tso npe nkag hauv Kev Pab Tus Kheej Txog Password](#)³ tom qab uas tau txais lawv qhov chaw nyob email thiab tus password. Los ntawm kev tso npe nkag rau hauv lub cuab yeem no, koj yuav tuaj yeem [hloov koj tus password](#)⁴ nyob rau yav tom ntej, yog hais tias tsis nco qab nws lawm.



Kev Ntiag Tug, Kev Ruaj Ntseg thiab Kev Soj Ntsuam Ntawm Hauv Paus Tsev Kawm

Puag ncig digital qhib caij nyoog rau puav leej sab zoo thiab sab phem tib si txog ntawm kev suav sau thiab kev nthuav qhia ntaub ntawv. Txhawm rau tiv thaiv menyuam yaus, muaj peb (3) tsab cai lijchoj ntawm tsoom fwv uas siv tswj hwm kev suav sau, kev siv thiab kev nthuav qhia txog tej xov xwm ntiag tug. Txhawm kom ua tau raws li cov cai lijchoj ntawm tsoom fwv no thiab lwm cov cai lijchoj hauv xeev, MPS ntsuam xyuas txog kev ntiag ntug ntawm ntaub ntawv thiab cov cai tswj fab kev ruaj ntseg rau txhua software thiab cov cuab yeej siv uas muaj nyob rau hauv peb cov chaw cia kev pab tus kheej/cuab yeej siv. Lub hauv paus tsev kawm kuj tseem ceev cov npe teev tseg ntawm cov vev xaib tshuaj xyuas, uas yuav tsum muaj kev nkag mus xov xwm tub ntxhais kawm thiab/lossis yuav tseev kom tus tub ntxhais kawm los mus ntaus npe nkag siv (log-in). MPS kuj tseem siv ntau yam program ntawm software thiab cov cuab yeej siv uas pab saib xyuas kev nyab xeeb ntawm tub ntxhais kawm, thiab kev lim-ntsiab lus uas txhom thiab

thaiv tej yam uas muaj kev puas tsuaj lossis phom sij thaum nyob rau hauv lub technology uas lub hauv paus tsev kawm muab.

Txhua lub cuab yeej ntawm MPS yuav raug tshawb saib (scan) ncuab deb yam xwm yeem kom ntseeg tau hais tias cov kev teeb tsa fab kev ruaj ntseg tsis tau raug hloov lossis tshem tawm. Yog tias tus tub ntxhais kawm tau nkag mus rau sab hauv ntawm lub cuab yeej, teeb tsam ib lub cuab yeej siv (app) uas hloov cov kev teeb tsa ntawm lub cuab yeej, lossis tau siv tes hloov cov kev teeb tsa, tus ntawd yuav raug lub txim ntsig txog xeeb ceem, raws li cov qib xwm txheej uas teev tseg rau hauv tsab ntaub ntawv no.

Keu Npaj Siab Rau Keu Siv



Keu Siv Raws Feem Xyuam

Cov tub ntxhais kawm yuav muaj lub Chromebook lossis iPad uas tau muab cob rau lawv. Yog tias lawv niaj hnuv nqa lawv lub Chromebook lossis iPad mus los li ntawm tsev kawm ntawv thiab tom tsev, lawv yuav tsum nco ntsoov nqa lawv lub technology rov qab mus rau tom tsev kawm ntawv txhua hnuv uas muaj hluav taws xob puv nkaus.

Cov tub ntxhais kawm yuav tsum nqa lawv lub cuab yeej mus rau txhua lub chav kawm, tshwj hais tias tus xibfwb tau qhia ntsees kom lawv txhob nqa mus. Cov tub ntxhais kawm muaj feem xyuam rau kev ua kom tiav txhua txoj haujlwm ntawm hom kawm, txawm yog hais tias lawv tso lawv lub technology uas muab cob rau cia tom tsev lawm los xij.

Lub technology uas lub hauv paus tsev kawm muab ntawd yog muab los mus siv rau cov dejnum ntawm tsev kawm. Tsuas yog cov tub ntxhais kawm hauv Tsev Kawm Tsoom Fwv Minneapolis (Minneapolis Public School) xwb thiab ntaus npe nkag tau mus rau hauv cov Chromebook thiab iPad uas lub hauv paus tsev kawm muab rau.

Cov tub ntxhais kawm yuav tsum ntaus npe nkag mus rau hauv lawv lub Chromebook/iPad uas siv lawv tus as qhaj email uas lub tsev kawm muab rau. Koj yuav tsum yog ib leej neeg siv digital tau zoo nyob rau txhua lub sijhawm los ntawm kev ua raws cov lus qhia no:

- **Hwm thiab Tiv Thaiv Koj Tus Kheej** - Ua kom pom tau kev hwm nrog koj cov kev nqis tes ua. Ceev faj txog kev nthuav qhia tej xov xwm, tej duab, thiab lwm yam xov xwm uas koj tshaj tawm hauv online. Tsis txhob nthuav qhia tej xov xwm ntiag tug, txhua yam xov xwm tiv tauj, lossis koj tej sijhawm teev ua dejnum. Tiv thaiv koj tus password; tsis txhob qhia koj tus password rau leej twg li.
- **Hwm Koj Tus Kheej thiab Lwm Tus** - Ua kom pom tau kev hwm lwm tus. Tsis txhob siv technology koj mus tawm tsam, thab plaub, ua phem, lossis soj luag tej. Koj yuav tsum ua raws Txoj Cai Tswj Txog Kev Txwv Txiaiv Kev Thab Plaub thiab Kev Ua Phem Ntawm Hauv Paus Tsev Kawm Tsoom Fwv Minneapolis ([Minneapolis Public School District's Bullying and Hazing Prohibition Policy 5201](#)).⁵ Ceeb toom tam sim ntawd txog tej yam xeeb ceem tsis tsim nyog tuaj rau koj thaum uas koj nyob hauv online mus rau koj tus xibhwb.

Cov tub ntxhais kawm kuj yuav tau txais ib lub iPad lossis Chromebook hloov chaw thaum uas tseem tab tom kho lawv lub cuab yeej uas muab cob rau. Yog tias muaj kev qeeb sijhawm ntawm kev muab lub hloov chaw, tus xibhwb yuav tso cai rau tus tub ntxhais kawm ua txoj haujlwm hom kawm yam tsis siv lub cuab yeej.



Kev Siv Ntawm Tsev

Yog tias tus tub ntxhais kawm twg nqa lawv lub technology mus tsev txhawm rau hom phiaj kev kawm, nws yuav tsum ua raws cov cai tswj thiab cai qhuab ntawm MPS (Mus saib txoj Cai Tswj 6415 rau kev siv internet thiab network kev kawm). Cov tub ntxhais kawm tuaj yeem txuas tau rau cov network uas tsis siv xov hluav taws xob, tiam sis txhua leej neeg siv lub cuab yeej yuav tsum ua raws cov cai tswj ntawm lub hauv paus tsev kawm.



Xeeb Ceem thiab Tej Dejnum Uas Lees Txais Tsis Tau

Cov tub ntxhais kawm yuav tsum tsis txhob siv tej khoom technology ntawm lub hauv paus tsev kawm txhawm rau:

- Nrhiav, tsim, lossis xa tej xov xwm mus nthuav dav tej lus dag lossis muab xov xwm cuav, ua phem, tsim kev puas tsuaj, lossis thab plaub nrog lwm tus.
- Nrhiav kev nkag uas tsis tau txais kev tso cai lossis tsis tsim nyog mus rau tej khoom technology ntawm lub hauv paus tsev kawm.
- Siv, rub, khaws cia, lossis xa tej lus, tej duab, lossis lwm yam ntsiab lus digital uas tsis tsim nyog.
- Koom tes rau hauv kev ua tsis ncaj, xam muaj kev nrhiav thiab kev muab lust eb rau tej kev xeeb ntawv; kev tshawb nrhiav thiab/lossis kev muab qauv cov lus teb lossis xov xwm saum internet lossis lwm qhov chaw tso ntaub ntawv raws tshuab hluav taws xob; kev muab qauv lossis kev xa tej xov xwm, haujlwm, lossis haujlwm cob rau ua ntawm lwm leej lwm tus los mus ua lawv tug; lossis kev koom tes nyob rau lwm hom qauv uas zoo sib xws ntawm kev ua tsis ncaj raws tshuab hluav taws xob.
- Ua txhaum txoj cai lossis cov ntawv cog lus ntawm kev tso cai.
- Nkag mus rau tej ntaub ntawv uas tsim nyog lossis thaiv cia.
- Nthuav qhia lossis tshaj tawm tej xov xwm ntiag tug hais txog koj tus kheej lossis lwm tus uas yuav pab ua rau qee leej nrhiav tau lossis tiv tauj tau koj lossis lwm leej lwm tus. Qhov nov xam muaj tej yam xws li chaw nyob email, npe thiab xeeb, chaw nyob ntawm tsev lossis chaw nyob tsev kawm, najnpawb xov tooj, npe niam-txiv lossis tus neeg saib xyuas, lossis npe tsev kawm.
- Hloov kho kab kev ua haujlwm, ntxiv tej kev txwv, tshem tej ntaub ntawv kev ruaj ntseg, lossis rhuav tshem tej khoom technology ntawm lub hauv paus tsev kawm.
- Teeb tsa tej cuab yeej siv (apps) dhau ntawm cov uas tso cai los ntawm Tsev Kawm Tsoom Fwv Minneapolis (Minneapolis Public Schools).



Cov Qib Xwm Txheej Txog Ntawm Kev Siv Technology Uas Muaj Kev Puas Tsuj lossis Tsis Tsim Nyog

Xwm txheej Qib 1

Cov kev ua yuam kev raws xeeb ceem Qib 1 yog yam txhaum me thiab raug muab nthuav qhia hauv ib cuab chav kawm. Cov kev cuam tshuam yog txhawm rau kho thiab qhia txog lwm hom xeeb ceem hloov chaw, txhawm kom cov tub ntxhais kawm tuaj yeem kawm paub thiab ua kom pom tau tus xeeb ceem uas muaj kev nyab xeeb thiab kev hwm.

Cov piv txwv ntawm cov xwm txheej cuab yeej Qib 1 kuj yuav xam muaj:

- Kev siv cov app lossis internet nkag mus rau tej ntsiab lus uas tsis tsim nyog muaj rau txoj dejnum kev kawm;
- Kev siv lub technology yam tsis muaj kev saib xyuas zoo (xws li kev tshem nws lub plhaub tawm, tsis ceev nws cia rau hauv hnab thaum nqa mus los, thaum noj mov lossis haus dej nyob rau lub sijhawm uas siv lub cuab yeej).

Xwm txheej Qib 2

Cov xwm txheej raws xeeb ceem Qib 2 los kuj raug saib xyuas-hauv chav kawm thiab kuj yuav xam muaj tej kev cuam tshuam ntxiv los ntawm cov neeg tswj tuav lossis lwm cov neeg ua haujlwm txhawb nqa, uas thawb nkag mus rau hauv chav kawm txhawm rau muab kev txhawb nqa lossis pab txhawb cov kev sib tham nraum zoov-ntawm-chav kawm luv luv lossis lub sijhawm thim xav.

Cov piv txwv ntawm cov xwm txheej cuab yeej Qib 2 kuj yuav xam muaj:

- Kev puas tsuj rau lub cuab yeej lossis cov khoom siv txhawb ntxiv uas yog txhob txwm ua (xws li lub nab cos tawg los ntawm kev txhob txwm muab pov lossis tso lub cuab yeej poob; kev fiav lub hnab lossis lub hnab ev khoom uas muaj lub cuab yeej nyob sab hauv; tsuj lub cuab yeej; txhob txwm muab tej yam ua kua ua txeej rau lub cuab yeej; kev puas tsuj uas tshwm sim rau lub cuab yeej uas tsis yog nyob rau hauv lub plhaub uas lub hauv paus tsev kawm muab los).
- Kev nthuav qhia cov ntaub ntawv yam tsis muaj kev tso cai, kev ua tsis ncaj lossis kev nyiag, los ntawm kev siv cov haujlwm ntawm lwm tus uas raug nkag mus raws tshuab hluav taws xob.
- Kev thaiv kev rau cov khoom siv sab hauv ntawm lub cuab yeej lossis tsim kev hloov kho uas tsis tau txais kev tso cai rau kab kev ua haujlwm ntawm lub cuab yeej, hu ua kev txeem lub cuab yeej.
- Kev siv lub cuab yeej yees dua los mus yees duab ntawm ib leej neeg twg yam tsis tau txais kev tso cai ntawm lawv.
- Kev ploj ntawm lub cuab yeej lossis cov khoom txhawb ntxiv.

Xwm txheej Qib 3-5

Cov xwm txheej Qib 3-5 yog cov tseem ceeb dua raws xeeb txawm thiab kuj yuav muaj kev txhawj xeeb fab kev nyab xeeb rau tus tub ntxhais kawm thiab/lossis lwm tus. Cov xwm txheej no kuj yuav tuaj yeem ua rau poob cai nqa lub cuab yeej mus tsev ib vuag,

lossis yuav tau muaj kev saib xyuas thaum siv lub cuab yeej.

Lus Nco Tseg: Qee zaum ntawm cov kev ua txhaum no kuj tseem yuav ua rau muaj **kev muab tus tub ntxhais kawm ncuatseg lossis tshem tawm** ntawm lub tsev kawm, nrog rau ib qhov kev npaj rau tej kev cuam tshuam thiab kev txhawb nqa ntxiv.

Cov piv txwv ntawm cov xwm txheej Qib 3-5 kuj yuav xam muaj:

- Muaj kev puas tsuaj los ntawm kev txhob txwm ua ntau zaus lossis kev ploj ntawm lub technology lossis cov khoom txhawb ntxiv.
- Kev siv lub cuab yeej rau kev thab plaub raws cyber, kev thab plaub lossis kev ua phem.
- Kev xa lossis kev tshaj tawm tej lus lossis tej duab uas tsis tsim nyog lossis muaj kev puas tsuaj.
- Lwm yam kev nqis tes ua uas txhaum rau cov lus qhia hauv phau ntawv qhia no.

LUS NCO TSEG



Cov tsev kawm yuav tso ib tug tswj ciam rau qhov ntau tsawg ntawm cov Chromebook/iPad uas yuav muab hloov chaw. Yog tias ib tug tub ntxhais kawm twg muaj cov xwm txheej zoo li qub ntau zaus, tshwj xeeb yog kev puas tsuaj los ntawm kev txhob txwm ua lossis kev siv txhaum cai loj heev, nws kuj yuav **poob cai** rau kev muaj ib lub Chromebook/iPad uas muab rau nws **nyob rau lub sijhawm seem ntawm xyoo kawm ntawd.**



Duab, Ntsiab Lus, Ntaub Ntawv

Txhua cov suab kaw tseg thiab duab uas siv lub cuab yeej tsim tawm los yog ua raws li cov cai tswj ntawm MPS thiab

cov cai lijchoj ntawm lub xeev thiab hauv tsoom fwm tebchaws. Cov tub ntxhais kawm tsuas tuaj yeem yees tau duab, yeeb yaj kiab, lossis kaw suab nyob rau hnuv kawm ntawv nkaus xwb, yog tias tus xibhwb lossis tus neeg tswj tuav muab cob ua ib qhov haujlwm hauv tsev kawm. Tsis pub yees duab, yees yeeb yaj kiab, lossis kaw suab ntawm lwm tus yam tsis muaj kev paub lossis kev tso cai los ntawm tus neeg ntawd.

- Kev siv cov cuab yeej siv tshuab hluav taws xob thiab cuab yeej yees duab raug txwv tsis pub siv hauv cov chav xauv khoom thiab chav dej.
- Tsis txhob siv lub cuab yeej yees duab los mus yees tej duab lossis tej yeeb yaj kiab uas tsis tsim nyog lossis qhia tseeb txog kev sib deev.
- Tsis txhob siv lub cuab yeej yees duab koj los yees duab lossis nthuav qhia tej xov xwm ntiag tug ntawm koj tus kheej lossis lwm tus.
- Tsis txhob siv lub cuab yeej yees duab lossis tej microphone los mus rhuav ntsej muag, thab plaub, lossis ua phem rau leej twg, xam muaj cov tub ntxhais kawm, cov neeg ua haujlwm lossis lwm leej lwm tus.

- Tsis txhob xa email, tshaj tawm hauv internet, lossis xa duab, yeeb yaj kiab, lossis suab kaw ntawm lwm leej lwm tus raws tshuab hluav taws xob yam tsis tau txais kev tso cai ua ntaub ua ntawv zias.



Suab, Nkauj, Games

Lub suab hauv koj lub Chromebook/Ipad yuav tsum muab kaw txhua lub sijhawm tshwj hais tias koj tus xibhwb pom zoo cia qhib lub suab lossis tso lus suab nrov tuaj txhawm rau dejnum hauv chav kawm. Koj tus xibhwb kuj tseem yuav muab kev tso cai rau koj los mus siv tej cuab yeej mloog pob ntseg. Yog tias qhov nov tshwm sim, nco ntsoov ua kom lub suab qis txaus uas lwm tus nyob ze tsis tuaj yeem hnov lub suab hauv lub cuab yeej.

Cov App/Khoom Txuas Ntxiv

Cov tub ntxhais kawm tsis tuaj yeem teeb tsa txhua yam app lossis khoom txuas ntxiv rau lawv lub technology uas tsis tau txais kev pom zoo los ntawm lawv lub tsev kawm lossis lub hauv paus tsev kawm. Cov tub ntxhais kawm yuav tsum tsis txhob rub tej app lossis teeb tsa tej khoom txuas ntxiv tshwj hais tias lawv tau hais kom ua li ntawd los ntawm lawv tus xibhwb.

Lwm Yam Peev Txheej

Cov Cai Tswj Ntawm Hauv Paus Tsev Kawm Txog Kev Tseem Ceeb

- [Cai Tswj 6415: Kev Siv Internet Thiab Network Kev Kawm](#)⁶
- [Cai Qhuab 6415B: Cov Cai Rau Kev Siv Ntawm Tub Ntxhais Kawm Hais Txog Internet, E-Mail Thiab Network](#)⁷

Kev Nkag Rau Internet

MPS yuav muab cov hotspot rau cov tub ntxhais kawm uas xav tau heev tshaj plaws. Txawm li cas los xij, cov tsev neeg yuav tsum paub tias cov xam nyas hotspot tuaj yeem poob qis vim ntau yam laj thawj. Kev nkag rau internet ceev los ntawm ib qhov chaw muab kev pabcuam twg yuav muaj kev txuas tau zoo tshaj plaws. Mus saib phab vev xaib tsis siv xov hluav taws xob ntawm nroog Minneapolis ([Visit the city of Minneapolis wireless page](#)⁸) txhawm rau kawm paub txog ntawm qhov kev nkag siv internet pub dawb thiab nqi pheej yig. Cov tsev neeg uas tsim nyog rau cov phiajxwm pabcuam ntawm tsoom fww tuaj yeem tau txais kev nkag rau internet nyob rau nqi qis uas yog \$10/hli. Cov tsev neeg kuj tseem tuaj yeem tso npe thov kom tau txais Txiaj Ntsig Pab Broadband Ti Tes Ti Taw ([Emergency Broadband Benefit](#)⁹). Vim kev muaj rau siv thiab kev tso siab tau ntawm cov hotspot muaj tsawg heev, peb xav kom cov tsev neeg tso npe thov kom tau txais Emergency Broadband Benefit (lossis lwm cov chaw xaiv los ntawm lub nroog) kom tau kev nkag internet nqi pheej yig ua ntej yuav thov ib lub hotspot.

Kev Txhawb Nqa Fab Kev Kws

Chaw Pabcuam IT

Yog tias koj muaj teeb meem fab kev kws rau lub Chromebook/iPad uas lub hauv paus tsev kawm muaj tuaj, hu rau MPS qhov Chaw Pabcuam IT ntawm (612) 668-0088. Cov xuab moos ua haujlwm ntawm lub chaw pabcuam yog Hnub Monday-Friday txij thaum 7:30 sawv ntxov txog 4:00 tsaus ntuj.

Key Hloov Lub Technology

Thov ceeb toom tej teeb meem ntawm lub technology rau koj tus xibhwb lossis lub tsev kawm tam sim ntawd. Qhov nov xam muaj lub technology uas tsis ua tau haujlwm lawm, puas lawm, lossis ploj lossis muaj neeg nyiag lawm.

Key Hloov Tshiab Ntawm Lub Software thiab Kab Key Ua Haujlwm

Ntev ntev muaj ib zaug, lub software, cov app, thiab cov kab key ua haujlwm yuav hais kom hloov tshiab txhawm rau ceev kom lub technology ua haujlwm tau yog thiab muaj key ruaj ntseg. Xav kom cov tub ntxhais kawm ua raws li cov lus qhia ntawm lub hauv paus tsev kawm txhawm rau key teeb tsa thiab key hloov tshiab rau lub software, cov app, thiab tej key hloov tshiab ntawm kab key ua haujlwm.



Cov Chaw Txuas Key (Links)

1. bit.ly/MPStechhandbook
2. bit.ly/GetStartedGuides
3. bit.ly/enrollpassword
4. bit.ly/changepasswordMPS
5. bit.ly/policy5201
6. bit.ly/policy6415
7. bit.ly/policy6415B
8. bit.ly/MPLSwireless
9. bit.ly/emergencybroadband



Kev Cog Lus Txog Kev Siv Technology

Npe Tub Ntxhais

Kawm:

Chaw Kawm

Ntawv:

Qib Kawm:

Xibhwb:

Cuab Yeej:

iPad Chromebook Hotspot

Kuv lees paub txog kev tau txais lub technology uas tau hais los saum toj no txhawm rau coj los siv thaum kuv tseem yog tub ntxhais kawm ntawm MPS. Kuv tau nyeem phau ntawv no lawm, Phau Ntawv Qhia Tub Ntxhais Kawm Txog Kev Nkag Txhua Qhov Chaw. Yuav kom tswj tau txoj cai ntawm kev siv lub technology no, kuv pom zoo raws li cov hauv qab no:

Kuv pom zoo ua raws li cov lus qhia hauv phau ntawv qhia no, thiab yuav tsis siv lub technology ntawm MPS rau tej yam uas tsis tsim nyog lossis tsis raug cai tsis hais nyob sab hauv lossis sab nrauv ntawm lub tsev kawm.

Kuv pom zoo ceev kuv lub technology ua kuv ntiag tug txhua lub sijhawm thiab yuav tsis muab lossis qiv rau leej twg.

Kuv pom zoo ceev kuv lub technology rau hauv lub plhaub uas muab los.

Kuv pom zoo ceev kuv lub technology cia kom nyab xeeb lug hauv kuv lub hnab ev thaum kuv tsis siv nws kom txo nqis qhov uas yuav ua rau nws puas tsuaj lossis raug rhuav tshem.

Kuv pom zoo ceev kom muab lub technology no txhab hluav taws xob cia kom npaj txhij siv rau kev kawm ntawv.

Kuv pom zoo muab lub technology no xa rov qab rau lub tsev kawm ntawv nyob rau thaum kawg ntawm lub xyoo lossis yog tias kuv tawm ntawm lub tsev kawm ntawv mus.

Kuv nkag siab hais tias yog tsis ua raws li ib qhov twg ntawm cov cai thiab/lossis cov cai tswj ntawm lub hauv paus tsev kawm no kuj yuav ua rau kuv tsis muaj cai siv lub technology ntawm lub Hauv Paus Tsev Kawm ntxiv lawm. Tsis tas li ntawd, kev ploj, kev puas tsuaj, lossis kev siv lub technology mus rau qhov tsis raug cai kuj yuav tuaj yeem tshwm muaj cov xuab moos ua haujlwm txhawm rau rub cov cai siv rov qab los. Kev hloov chaw uas tsim nyog muaj vim tej teeb meem kev qawj yaig xws li ib txwm thiab to ntuag lossis tej teeb meem fab kev kws uas muaj rau koj lub cuab yeej yuav tsis tshwm muaj cov xuab moos ua haujlwm lossis kev poob txoj cai siv. Lub hauv paus tsev kawm tuav txoj cai txhawm rau tswj ciam rau cov cuab yeej technology hloov chaw uas lawv muab rau tus tub ntxhais kawm hauv lub xyoo kawm lossis thim cov cai siv lub technology ua ke yog tias tus tub ntxhais kawm siv lub technology mus rau qhov tsis raug cai. Cov tub ntxhais kawm yuav tsum ua haujlwm nrog lawv cov neeg tswj tuav ntawm lub tuam tsev txhawm rau txiav txim seb lawv yuav tsum tau ua li cas thiaj li tau txais lub technology hloov chaw thaum uas nws ploj, raug nyiag lossis puas.

Qauv Tes Kos Npe
Ntawm Tub Ntxhais
Kawm:

Hnub Tim:

Qauv Tes Kos Npe
Ntawm Niam-Txiv:

Hnub Tim:

Tus Saib Xyuas Cuab
Yeej Ntawm Chaw:

Hnub Tim:
